

## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 2. Christum ipsum multis antè modis humiliatum, quàm exaltatum  
fuisse.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

*Christum ipsum multis antè modis humiliatum, quam exaltatum fuisse.*

An non tinxit Deus etiam Dauidem, à Saule toties fugatum, & tantum non interemptum? Ita illum sibi in regem expoliuit. Neque differt semper in finem vitæ innocentiæ gloriæque manifestationem, sed saepe in medio etiam vitæ cursu, quasi digitum intendit in Sanctorum suorum nobilitatem. Ipse Christus in stabulo natus, in exilium fugatus, ab Herodis furore & ferro subducendus fuit; à Iudæis non Dei, sed fabri filius nominatus est: toties à Pharisæis illusus, toties cachinnis exceptus, immò ab ipsa Matre sua veste haud sanè splendida amictus est; saepe præ inopia impransus atque incœnatus pernoctabat in oratione: postea autem quanto splendore enituit, in monte Thabor, quando ante discipulos suos transfiguratus est, & resplenduit facies eius, sicut Sol: vestimenta autem eius facta sunt alba, sicut nix? Adeò plena lucis & maiestatis tunc erat ea transfiguratio, vt in eam oculorū non possent intendere discipuli, qui præ reverentia sibi timentes in faciem ceciderunt. Non itaque poterant prudenter scandalizari

Matth.

17. 2.

dalizari ignominijs, aliunde etiam illatis,  
qui gloriam in Deo tantam ei viderant cir-  
cumfusam. Eduxit enim quasi lumen iu-  
stitiam illius Pater; & omnia mala quæ su-  
stinuit, abundè compensauit. Nam de  
quanta ignominia in quantam eum gloriā  
euexit, cùm exaltauit illum, & donauit illi Psal. 36. 58  
nomen, quod est super omne nomen, ut iam in  
nomine eius omne genu flectatur cælestium, ter-  
restrium, & inferorum? Nomen non solum  
Dei, & Filij Dei, & Messiæ notissimi & fa-  
mosissimi in toto orbe, sed etiam Iesu Sal-  
uatoris, & Redemptoris; quod nomen quo  
modo sit super omne nomen, docui in libro  
de Nomine Iesu. Et par erat, ut is summum  
nomen obtineret, qui summis fuit calum-  
nijs appetitus. Cùm enim calumnia sit falsa S. Thomæ  
2.2. q. 68.  
& malitiosa criminis impositio, quid potuit vel a. 3.  
falsius esse, quām de eo, qui non venit soluere  
legem, sed adimplere, dicere: blasphemauit? Matth.  
quid malitiosius, quām illum accusare di- 15. 17.  
cendo: Hunc inuenimus subuertentem gen. Luc. 23. 10  
tem nostram, & prohibentem tributa dare Cæ-  
sari: qui disertissimè dixit: Date Cæsari, quæ  
Cæsar is sunt? quique venit, tamquam Mes-  
sias, ut gentem illam saluam faceret?